

PLAKU SOFRONI



153.

Me bindje zemra vazhdimisht bëhet më e ndjeshme, për jetën e të tjerëve, për mundimet e tyre, për përparimin e tyre, dhe për nevojat e tyre.

154.

Duke mos u vendosur mbi të afërmin e vet por duke i shërbyer bëhemi të dobishëm për Zotin. Krishti na e tregoi rrugën në natën e Mbrëmjes së Fshehtë ishte Zot por ua lante këmbët nxënësve të Vet.

155.

Me bindje zemra jonë dhe shpirti ynë do të zgjerohen pa mbarim!

156.

Me bindje jeta jonë bëhet veçanërisht i shenjtëruar madje dhe në gjumin më të thellë!

157.

Me bindje luftojmë kundër pasioneve, kështu që asnjë mendim i flaktë të mos arrijë të na robërojë!

158.

Duhet të jemi të përgatitur para çdo njeriu, më tepër ta plotësojmë vullnetin e tij, sesa tonin, që të zgjerohet vetdija jonë. Dalngadalë, në mënyrë të paparashikuar tek ne lind qarja për *Adamin prindërin e gjithëlindshëm*.

159.

Bindja fillon me hollësitë më të parëndësishme të jetës së përditshme, me punën më të qetë, por mbaron me vetdijen *unë jam*. Jemi të detyruar ta rruajmë këtë gjendje të shpirtit nëpërmjet fuqisë së besimit në Ringjallje.

160.

Krishti tha: *Në qoftë se dikush... nuk i urren nënën dhe babain e vet, gruan dhe fëmijët e vet e mandej edhe shpirtin e vet ai nuk mund të jetë nxënësi i Imi (nuk mund të Më ndjekë)* (Luka, 14, 26). Kjo Fjalë e Zotit është shumë e rëndësishme. Nuk bëhet fjalë për një karrierë dhe për gjërat e imëta të jetës tokësore, por për mposhtjen e pasioneve dhe mëkateve të kësaj bote, që të jetojmë përjetësisht me Atin. Pas rënies, natyra e njeriut në të gjitha shfaqjet e saj, e kundërshton atë që Ati qiellor e pret prej nesh. Ja, pse jemi të detyruar ta urrejmë vetveten në gjendjen në të cilën gjendemi në këtë botë pas rënies.

161.

Mendja jonë nëpër bindje mund të bëhet i pastër para Zotit!

162.

Ai i cili i do nënën dhe babën e vet apo fëmijët e vet më tepër se Mua, nuk mund të vijë pas meje! Për njerëzit e kësaj bote, nuk ka asgjë më të tmerrshme se këto fjalë. Akoma më tepër, jemi të detyruar të arrijmë ta kalojmë të gjithë atë që na lidh me të afërmit tanë. Përndryshe asnjëherë nuk do ta arrijmë dashurinë gjithëbotërore dhe absolute të Zotit.

PËR SHPIRTIN DHE JETËN

163.

Bindja është lirim i përkryer prej *vullnetit të vet!* Ajo është rruga që duhet ta ndjekim që të jemi të lirë, që ta dëgjojmë në zemrën tonë zërin e Shpirtit të Shenjtë. Aq sa tek ne do të qëndrojë ndonjë pasion, jeta jonë do të jetë tragjike, pa dalje. Nuk mund të gjejmë paqe, pa çlirim të plotë prej vullnetit tonë!

164.

Vetëm të çliruar prej mendimeve të veta, ide dhe dëshira, do të mund të jetojmë të pastruar, në prani të Zotit!

165.

Bindje, do të thotë ta zbusim vullnetin tonë *personal* individual. Në jetën e përditshme, kjo do të thotë, të jemi të përgatitur ti mohojmë idetë tona që të çlirohemi prej luftës së erret dhe mizere që e bëjmë kundër pasioneve. Me të mbaruar kjo luftë, jemi në pragun e përjetësisë.

166.

Në qoftë se hiqni dorë nga vullneti juaj personal duke e kërkuar vullnetin e Zotit, Zoti do të jetë me ju! Në qoftë se këmbëngulni ta ndiqni mendimin tuaj Zoti do t'ju lërë vetëm.

167.

Dënimi më i madh për njeriun është Zoti t'ia dorëzojë vullnetit të vet personal. Në epokën tonë, e cila e hodhi poshtë Krishtin, askush nuk e kupton këtë robëri të dukshme.

168.

Lutja e pastër supozon pafajshmëri. Ajo arrihet kur në cilën do punë, mendja është i lir prej mendimeve, kështu që, jeton vetëm më Emrin e Zotit dhe bekimin e Shpirtit të Shenjtë.

169.

Nuk erdha t'ia imponoj vullnetin e vet tjetrit, por t'i shërbej sipas shembullit të Krishtit. Përpiquni të veproni në atë mënyrë, dhe do të shikoni, se bekimi i Zotit do të jetë me ju. Si rrjedhim, miratoheni këtë vendim në çdo moment të jetës suaj!

170.

Në qoftë se nuk fitojmë shpirt për shërbesë së të afërmit, jeta jonë do të jetë e padobishme! Në qoftë se duam ta rilindim natyrën tonë të bëhemi *sipas shembullit të Zotit*, malli për t'i shërbyer të afërmit tonë, duhet të mbizotërojë në shpirtin tonë!

171.

Shërbesa e të afërmit ka fuqi shpëtuese, pa mbarim, më të mëdha se cilado teori teologjike!

172.

Si mund ta njohim Zotin, I *Siç Ai Është?* Krishti na i tregon rrugën duke na nxitur të ngelemi në shenjtëri që të mos e fyejmë të afërmit t'i respektojmë të tjerët më tepër sesa vetveten, të mos synojmë të sundojmë mbi ta.

173.

Jemi të detyruar të vdesim për vetveten që të jetojnë të tjerët! Krishti tha: *Mos u trembni ta humbisni jetën, duke i shërbyer vëllait!* Kush i shërben të afërmit të vet, e shpëton shpirtin e vet për jetën e përjetëshme!

превод на албански:
Јордана Шемко

Plaku Sofroni
PËR SHPIRTIN DHE JETËN

Biblioteka FJALA PREJ VODOÇËS

EDICIONI:
BANORËT E MALIT TË SHENJTË

LIBRI 2



Titulli në origjinal
PLAKU SOFRONI (SAHAROV)

PËR JETËN DHE SHPIRTIN

Përktheu nga greqishtja

Peshkopi i Strumicës Zoti NAUM

KISHA ORTHODHOKSE MAQEDONASE
EPARKIA STRUMICË